

**Intipati Laporan Program Transformasi dilancar oleh PM
Utusan Online
19 Mac, 2013**

KUALA LUMPUR 19 Mac - Berikut intipati daripada Laporan Program Transformasi yang dilancarkan oleh Perdana Menteri, Datuk Seri Najib Tun Razak di Angkasapuri, di sini malam ini.

1. Jumlah Pendapatan Negara Kasar (PNK) perkapita negara telah meningkat kepada AS\$9,970 iaitu peningkatan sebanyak 4,000 peratus dalam tempoh lima dekad.
2. Penyiasatan Pendapatan Isi Rumah (PPIR) negara menunjukkan peningkatan kepada RM5,000 tahun lalu berbanding hanya RM4,025 pada 2009.
3. Kadar kemiskinan negara menurun daripada 3.8 peratus pada 2009 kepada hanya 1.7 peratus tahun lalu.
4. Kadar Inflasi Negara kekal rendah pada kadar 1.2 peratus setakat Januari 2013.
5. Sebanyak RM2.34 bilion telah diperuntukkan untuk Bantuan Rakyat 1Malaysia (BR1M).
6. Lebih RM524 juta diperuntukkan untuk bantuan persekolahan.
7. Sebanyak RM97.5 juta diperuntukkan untuk Baucar Buku 1Malaysia (BB1M).
8. Sebanyak RM22.3 bilion disediakan untuk subsidi, RM873.5 juta untuk insentif manakala RM14.6 bilion lagi untuk bantuan.
9. Program 1Azam telah berjaya membantu seramai 106,967 rakyat berpendapatan rendah.
10. Kementerian Perumahan dan Kerajaan Tempatan, Dewan Bandaraya Kuala Lumpur dan Syarikat Perumahan Negara Berhad telah menawarkan lebih 100,000 unit kediaman mampu milik.
11. Lebih 3,300 kilometer jalan raya telah dibina di kawasan luar bandar.
12. Lebih 1.4 juta isi rumah di kawasan luar bandar telah mendapat bekalan air bersih.
13. Lebih 470,000 isi rumah di kawasan luar bandar kini telah mendapat akses elektrik.
14. Sebanyak 53,000 unit rumah penduduk miskin luar bandar telah dibina dan dibaik pulih.
15. Mengeluarkan 164 buah sekolah berprestasi rendah kepada jaluran yang lebih baik.

16. Sektor pelancongan telah berjaya menyumbang RM100 bilion PNK dengan kehadiran 50 juta pelancong ke negara ini.
17. Greater KL telah menawarkan projek MRT yang berjumlah RM19.8 bilion.
18. Kandungan dan infrastruktur komunikasi telah berjaya mengeksport hasil kreatif berjumlah RM547 juta.
19. Program TUKAR telah beri manfaat kepada 1,087 pemilik kedai runcit.
20. Sumbangan PNK negara pada 2020 dijangka mencecah RM135.64 bilion dan mewujudkan 408,443 peluang pekerjaan.
21. Malaysia negara ketiga terbaik dalam senarai destinasi perkhidmatan luar.
22. Kuala Lumpur adalah destinasi membeli-belah keempat terbaik dunia selepas New York, Tokyo dan London.
23. Sejak ETP & GTP diperkenalkan, negara telah mengecapi pelbagai kejayaan berdasarkan pengumuman program transformasi sebentar tadi.
24. BR1M akan diteruskan dan dijadikan inisiatif tahunan.

- UTUSAN

Hakcipta Terpelihara © UTUSAN MELAYU (M) BERHAD

Source : http://www.utusan.com.my/utusan/Dalam_Negeri/20130319/dn_46/Intipati-Laporan-Program-Transformasi-dilancar-oleh-PM